

Broj: 01-04-2-234/2026

Sarajevo, 04.05.2026. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15, 62/19 i 90/25), te člana 69. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

ODLUKU

I

Otkazuje se postupak javne nabavke usluge revizije finansijskih izvještaja Fonda za zaštitu okoliša Federacije BiH za 2025. godinu, pokrenut putem postupka konkurentskog zahtjeva za dostavu ponuda, broj: 01-04-2-1454/2026 od 11.02.2026. godine, broj Obavještenja o nabavci 1382-7-2-4-3-20/26 od 11.02.2026. godine, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Na osnovu Rješenja Ureda za razmatranje žalbi, Filijala/Podružnica Mostar br. JN2-03-07-1-411-7/26 od 02.04.2026. godine usvojena je žalba žalitelja Address d.o.o. Sarajevo, te je poništena Odluka o izboru najpovoljnijeg ponuđača br. 01-04-2-102/2026 od 27.02.2026. godine, te je predmet vraćen Ugovornom organu na ponovni postupak.

S tim u vezi, Komisija za javnu nabavku formirana Rješenjem o imenovanju komisije, broj: 01-04-2-73/2026 od 12.02.2026. godine (u daljem tekstu: Komisija) je uvažila Rješenje Ureda za razmatranje žalbi, te je utvrdila da u konkretnom postupku javne nabavke nesumnjivo postoje dokazani razlozi koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

Naime, tehničkom specifikacijom koja čini sastavni dio tenderske dokumentacije navedeno je da rok za izvršenje usluge počinje teći od dana obostrano potpisanog ugovora od strane ovlaštenih lica ugovornih strana, a najkasnije od 31.03.2026. godine, odnosno da nakon izvršenja usluge revizije u poslovnim prostorijama ugovornog organa, odabrani ponuđač dostavlja ugovornom organu nacrt izvještaja najkasnije do 06.05.2026. godine do 12:00 sati, kao i konačni revizorski izvještaj za obavljenju uslugu najkasnije do 21.05.2026. godine.

Nadalje, nakon donesenog Rješenja Ureda za razmatranje žalbi Komisija je utvrdila da je ponuda ponuđača Address d.o.o. Sarajevo sa ponuđenom ukupnom cijenom u iznosu od 10.000,00 KM bez PDV-a i brojem ponuđenih utrošenih sati za izvršenje revizorskih radnji od 428 sata jedina prihvatljiva.

Međutim, uzimajući u obzir da je Rješenje Ureda za razmatranje žalbi doneseno dana 02.04.2026. godine, a zaprimljeno na protokol Fonda dana 07.04.2026. godine, odnosno činjenicu da je ponuđač u svojoj ponudi precizirao rokove za izvršenje revizorskih radnji u satima (ukupno 428 sati) što premašuje krajnji datum dostave izvještaja, postoji opravdana mogućnost za razmatranjem pitanja da li se može smatrati opravdanim i zakonitim eventualno

zaključenje ugovora u novonastalim dokazanim okolnostima kada odluka Ureda za razmatranje žalbi i vremenski rokovi propisani tenderskom dokumentacijom onemogućavaju pravovremeno zaključenje ugovora, a sve kako bi se izbjeglo donošenje odluke koja bi bila pravno neodrživa ili izložena daljnjim žalbenim postupcima.

S tim u vezi, Komisija je sačinila i dostavila direktoru Fonda za zaštitu okoliša Federacije BiH Preporuku za donošenje odluke o otkazivanju postupka nabavke od 24.04.2026. godine.

Uzimajući u obzir navedeno, u konkretnom postupku javne nabavke nesumnjivo je da postoje dokazani razlozi koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH



Slađan Bevanda, direktor

Dostaviti:

1. ponuđačima (putem e-maila)
2. Sektoru za finansije
3. Samostalnom odjelu za opće poslove
4. a/a